

叢書集成續編 第一八五冊目錄

文學類



文別集——宋

靈巖集十卷

宋 唐士恥撰

續金華

一

文別集——元

滋溪文稿三十卷

元 蘇天爵撰

適園 五九

靜軒集五卷附錄一卷

元 閻復撰

藕香 三一

芳谷集三卷附校勘記一卷

元 徐明善撰

豫章 三四五

文別集——明

張來儀先生文集一卷補遺一卷

明 張羽撰

豫章 四〇九

始豐稿十四卷補遺一卷附錄一卷續附錄一卷

明 徐一夔撰

武林往哲 四五一

巽隱先生文集一卷

明 程本立撰

樵李 六五七

龔安節先生遺文一卷

明 龔詒翼撰

又滿樓 六九三

不二歌集二卷

明 趙詒琛撰

關中 七一九

溫忠烈公遺稿二卷附錄一卷

明 張春撰

吳興 七五一

靈巫品嚴
集

表勵準



152.00 201.00 1.00 10.00 1.00

甲春康宗校
子永胡楸鋟

制

觀文殿學士特進授少保觀文殿大學士充萬壽觀使兼侍讀
提舉秘書省制

門下省左棘以貳公式重內祠之領峻延恩而勸誦更提冊府之綱
眷時舊弼之良夙昇文階之長方深資於禪治宜特示於寵優谷爾
在廷聽台作命具官某賦資偉傑蘊識高明履操端方一出準繩之
正見聞淹貫迄無毫髮之遺蚤由簡知寢即柄用攬天下惟幾之務
自諷明而弼諸懋賢人可大之功每夙興而夜寐方藉謀猷之告乃
崇廉退之方位表羣公職榮竄宇請勉從於慈選禮未極於優嘉朕
思謹守文必先師古雖羣經具在衆大法以昭垂然萬變靡常尙隨
時而或異乃旁考百王之史亦洪敷列祖之謨參之四部之詳庶矣
無窮之應惟論道經邦之素非說河畫條之虛台切問之仁假爾

聖恩集卷一

多榮之寵升華寅亮聿新命數之隆冠侍禁嚴益著精神之聚領壽

宮而儀表奉列聖之衣冠與其共萬幾之繁是則恬一心之養式昭
茂渥用廣多聞於嚴皇祐選英之臣嘗特咨於故老開二元集賢之長
亦宜命於舊人尙思殊寵之光益體詳延之意可特授

端明殿學士提舉江州太平興國宮授昭慶軍節度使知襄陽
府京西南路安撫使制

門下建六議以宣威允謂詩書之將總十連而作牧式憑幾旬之封
眷時秘殿之英久詔眞祠之祿茲籌邊寄用屬仁人播告治朝宣乎
羣聽具官某學爲有用委擅不羣儲節盤根惟若新硤之發輕車熟
路曾何駿足之留茲從甘泉繼翔琳館職號清閒之燕人思獻納之
忠脫略事爲久焉均依屈盤謀略深用惜才維茲襄漢之區實通疆
陲之境匪賜履撫綏之地振輕裘容典之風久類其人實選于選乃
開方面用釋恬居練殿且以登壇指若溪而錫鉞朱輪畫戟日凝燕
寢之香絳節碧幢霜凍元戎之乘式副兵民之寄共觀師帥之賢於

戲方當靈臺偃伯之時散牛馬而棄弓矢應念峴首懷人之德安逃
境而立功名

光山軍承宣使樞密副都承旨授寧武軍節度使領開門事兼
客省四方館事提舉皇城司制

門下建旌旄而制圖式彰上聞之隆備次邸以肅賓併總周廬之重
爰命蕃宣之寄以將宥密之言肆惟顯績之褒庸茂殊榮之寵我有
煥號人其樂聞具官某允號智囊格持勁節精明莫及能俱盡於方
圓動作有常殆不渝於尺寸蚤登名於勇爵既騰譽於壯年周旋奔
奏之勞密勿樞機之命朕飭賓儀而增勢重禁旅以分權視書館以
儲才九重辰共均股肱而設微萬雉天臨外嚴肅邸之修內肅交關
之侯是皆立政之所急直其圖任之實難思得勇敢行義之人以兼
先後禦侮之寄載酬英望用壯本朝縣固始以承流指闕中而出節
新大羣高牙之建式肅軍容爲九賓千列之光益嚴國體以彰蕃錫
以表精忠於戲漢詞者之亞二臺蓋格司於嚴陞周宮正之比八次

聖恩集卷一

實祇戒於重門尙思界付之不輕益勵肅共而無射

朝奉大夫給事中特授武康軍節度使簽書樞密院事制

門下授齋鉞以總戎爰策六旄之重陟機庭而經武既聯兩地之崇
瞻惟青瑣之才獻佇倚榮樞之續效用假登壇之寵肆開專面之儀
誕告治朝直乎羣聽具官某宏才剴厚德鎮梓不剛不柔坐致中
和之福允文允武俱全左右之宜頃居封駁之司存綽有飛騰之聲
實茲進心腹之過歷觀筆墨之班疇若可庸乃其有濟願合登於廊
廟爰晉處於機衡維今本兵之司倣漢太尉之列自唐代胚胎於名
號至我朝備具於亞承元魁差一相之尊列屬亦貳公之重蓋房謀
必俟如晦而決且神創是基子產之成譬諸同濟之舟儼若相須之
輔原與國兼蓄之制故事昭然比天福留後之兼新榮侈甚肆出蒼
溪之節具頒英蕩之華假武臣傑特之儀壯右地雄深之略勉思異
寵益展嘉猷於戲五大在庭爾既聯華於近輔七命賜爾其專賞
於千旌茂對寵元采殫忠力

龍圖閣直學士通直郎提舉佑神觀兼侍讀授昭慶軍節度使
鎮江府駐劄御前諸軍都統制

門下錫齊鉞以登壇爰易儀於武毅護將屯而列戎用恢略於和門
曉時延閣之英亟著通備之望輟帝帳橫經之粹輝琳宮詔禱之優
宣雄建於節旄肆寵綬於戎旅煥揚大號乎告庶工具官某策略敏
明器資淵詣擅晉望謝安之遺施無不宜負漢廷賈誼之才學爲有
用維早和於聞望乃深簡於眷知且西清列閣之嚴既冠從臣之著
而北門入說之重每須大道之陳優游京邑之珍嘉恬養冲襟之素
稟式方表於敵運宜無怠於帝謀時維細柳之屯有在南徐之地烟
清萬竈人飽習於黃間風靜五旗令自嚴於青帳思得有勇知義之
士以備折衝禦侮之方是用輟自禁廷易之右列出若水遙班之節
壯元戎先啟之行專在咸平若水曾移於並野稽之慶應韓琦首授
於秦邦僅易廉車未隆明命茲煥白麻之寵將觀素學之施於戲越
從南渡以來方啟備江之戎爰泊嗣興而後當擒酋將之門備劍佩

臺嚴集卷一

二

無間於兩塗則舞鼎俱傳於萬世

太尉昭慶軍節度使授開府儀同三司鎮東軍節度使制

門下參揆路之班聯鼎新命徽尋將壇而告戒晉易節旄曉于尉府
之雄風護元戎之重茲焉進律保以上公是爲右列之榮宣布明廷
之著具官某山西勁氣素北英隲忠根厥心義方於外在山猛虎邊
微備乎威聲當道老熊草木知其風概七縱七禽曾莫可爲之敵百
戰百勝幾無以善其功銷節屢更一心無撓漢鐵唐旌之夙秉呂韜
黃略之無加勝此上膺冠於右序閱星霜之既久藹譽望以益隆是
用異乎弁袂之流超厥儀華之錫九命加賜卷蓋高倨於面槐三台
爲天階亦仰符於赤極上吳興之故綬出越絕之新麾往服異榮日
宣令聞於殿都隨劍東都之典朕既殊願遇之恩子儀久中令之班
爾必屬懷忱之德前修可跋嗣龍何疑

鎮南軍節度使提舉江州太平興國宮授太尉鎮南靖江軍節
度使充禮部觀使制

門下升尉府之華爰比崇於兩地疊將壇之拜用增壯於六旄晉使
領於殊庭奉班朝於禁里煥揚典冊乎告臣工具官某才紹三明智
高七縱稟山西之勁氣援梓每念於忘身應妻北之英驅快勝有加
於破的勳屢藏於盟府勇獨冠於和門公朝五使之階爾既躋於尊
品版圖列等之鎮爾既度於常邦載者均佚之優尙起念功之切儻
者孜孜之意曷殫忠力之酬是用一開久曠之儀兩錫非常之寵惟
烈祖肇新於勇爵漢公乃長於武階雖藩方卓建於高牙唐典或兼
於錫鉞仍領豫章之靈更班桂管之麾啟冠號於琳宮爲顯榮於升
列以疏異渥以重神京於戲自右而視左班此優政鈞之隆貌因前
而增後飾此光制聞之舊儀益體朕心不忘予眷

少師昭慶軍節度使授太尉鎮東軍節度使制

門下巍然公傳之崇跨班聯而峻陟魁若節旄之易新旌鉞以具頒
瞻子貢亮之賢久亞範模之任升華一列加律巨藩用明顧遇之恩
誕告縉紳之著具官某詩書著遠仁義標懷華髮元龜綿國壽於箕

臺嚴集卷一

四

異細旂廣慶新帝典於助華屢迪謀謨愈隆聞望次三槐之論道卓
冠孤卿先十乘以從戎風開將帳歲不同而月異德彌劬以年高且
優游暇裕以自修蓋切磋琢磨而弗置屬子浩歎念爾難能官不備
惟其人於今則可後所是著爲令有典常新超周邦召保之居唐漢
室卓公之任上吳興之錫綬護越絕以殿邦兩隆劍佩之儀高在疑
丞之表往膺異量深顯令猷於戲三夏享元侯朕既益隆於禮貌九
命加賜卷爾其尙勉於進修儻位極於羣臣亦君都於顯號

皇叔授光山軍節度使同知大宗正制

門下峻將壇而出節望式重於維城申王社以直茅任載參於糾族
有嘉季父夙翰皇家若舊績於蕃宣錫新榮而董正漢啟丕號乎告
庶工具官某懿毛畢之昭視閭平之履身端行治自規圖而矩方學
富問充若珠輝而璧潤屬承流於龍水益騰譽於金枝勳惟法度之
遵爵爾親賢之望朕酌成模於祖憲念歸報於文孫維景祐之設官
思同倡於九族暨熙寧之報本蓋有嚴於大宗如麟趾以親親晝涇

陽而世世茲恪遵於故事俾並對於寵光漢綬金佗爵遂超於庶姓
周宗瓜瓞德有表於諸姬顧特重於委廷庸采增於榮遇專制維城
之闕一新大譟之儀匪台爾私若古有訓於歲觀市垣二星之象朕
惟謹於法天考本朝同姓之王爾尤光於襲爵往毋忘於標的庶永
賴於維持

皇叔祖光山軍承宣使提舉江州太平鎮興國宮授昭慶軍節
度使封安定郡王同知大宗正事制

門下百世不遷之宗肆襲開於王社十乘啟行之旆爰申正於族盟
迺瞻宗藩最稱德齒式合追崇之典爰疎疊用之恩謹告外廷直孚
羣聽具官某溫良毓質肅哲親身儼若成規不越準繩之外鏘然遠
韻自諧律呂之和曩宣化於浮光益騰徽於令譽姑詔外祠之祿曲
從恬養之私朕嗣守丕圖緬懷大業服茲祖訓基之烈垂之萬年原
熙寧襲封之規稟若一轍用嚆同屬弗替宏模光映花章畫涇陽而
啟宇風生蘭布聽族夏以保和雄我宗藩介之錫命指若溪而出節

東坡集卷一

五

詰

秘書監除中書舍人詰

勅朕恪承祖武肅謹政原維元豐六典之修備李唐兩掖之建萬幾
可否太宰詔王內史又詔王列職顯榮三公曰府九卿亦曰府別掌
紫微之詰他如青瑣之郎每難其人嗚呼子選具官某君子溫其如
玉大雅卓爾不羣兼文學政事之科蔚為罕見中規矩準繩之度允
謂端人夙儀則於清流久踐揚於華貴謫乎譽望簡在眷知曩魁秘
館之英實表儲才之地弱水三萬里從容大室之仙冠者五六人涵
泳石渠之澤架壁府星辰之象舒木天日月之光兩兼清要之榮肆
茂晉遷之寵翻階紅藥喜霽雨露之新起草黃麻聳聽風雷之厲儻
朕命若絲綸之出則汝才式喉舌之宜

大同軍節度使提舉佑神觀除宜徽南院使詰

勅亞樞府以疏榮式侍燕閒之地而使華而作冠聿新希濶之儀服
其名當知承休將美之隆異其寵何必膺任昇權之重輟彼殊庭之
奉陪台清禁之游具官某肅若親射凜然行義積紆旅董戎之效彰
譽處於和門秉捐軀報主之忠著勤勞於弁列闕台淵慮為國盡臣
雖高牙大纛之榮既出雲中之節而開館珍臺之佚還為轂下之游
乃未快於公言庸肆開於殊渥有居近密庇職宣揚維後唐創號以
來若開寶兼官之重顧累朝用為成憲在儒臣何謂瞻恩遠追元祐
復置之明復為今日特異之寵益思朕眷承肩汝心

禮部侍郎除右散騎常侍詰

勅貳曹雖春官之最清要亦為具員吏掖省獨右貂之入關欲以待
非常人瞻時獻納之英采著操修之粹與其助宗伯而舉明備之典
孰若邇朕躬而加切磋之功庸新最密之聯期獲相觀之善具官某
詩書稊度仁義步趨本乎神遠之姿加以淵源之學肅雍四體超然

東坡集卷一

五

大雅之不羣酬酢萬為湛若中局之止水蚤膺簡遇浸陟華塗左右
夷宗既恪修於天秩周旋變奏又迄致於人和高振名流綽有令譽
朕念守文之不易欲求助已而未遑荷獨學必至於寡聞且輔仁莫
先於會友思近日新之德共成時敏之功是用輟從禮樂之司責以
琢磨之義矧情文素接識前王易簡之心庶教學相資闢異日中和
之教尙勉修於厥職期有益於朕躬可特授

吏部尚書除參知政事詰

勅朕思謹萬幾任隆一相欲左右格天之業必高明議務之才資其
佐貳之能助此經綸之志嗚呼春卿列擢與政鈞具官某溫其如玉之
姿卓爾不羣之操居多錯節庖丁之刃若新孔震巨攄大呂之律不
替蚤上鳩行之地浸開鵬翮之香權衡天下之人才絀繹胸中之國
論能其小必能其大思之熟宜思之深用以彌縫造命之基庶亦總
發通今之學原藝初設官之意豈惟分赴舊之權服太宗立賢之方
適以養寇準之望尙益殫於志力期大用以登庸

給事中除翰林學士詔

勅朕思近思嘉用神政理雖羣英在列每殫獻納之勤然一意會神莫如禁密之地蓋金炬尚容於卜夜而玉堂無過於代言事稀則心自優分切則情不隔當有從容之論裨於寡昧之思必也擇人庶乎獲助具官某學周經濟德稟溫純粹然瑚璉之姿叶以詩書之習徧更中外深著勤勞頃登青瑣之司蔚在紫荷之列外以彌綸於命令入焉罄竭於忠誠積有歲時是用褒擢加諸省掖實在內廷前席賈生朕亦何翅於機渴北門陸贄爾其具敷於腹心是將觀輔佐之才庶共底帝王之績

禮部侍郎除翰林學士詔

勅朕嚆咨賢路思近正人維北門典策之官得南省詩書之彥庶以啟沃朕心之密亦將發摠爾學之淵豈徒言語文字之間要亦疑丞輔弼之次具官某儒學望士俊選名流矧襲夏閔之深且淹貫綱常之大禮樂殆非凡職實佐正卿典章固異他塗況居近列蔚若論

聖集卷一

七

思之譽聞予簡注之衷且陸贄唐帝之知志惟忠赤易簡被太宗之眷名在汗青蓋百僚莫切於是司宜多士每欣於斯地殆亦六燕戚休之係兼一人非是之分其殫乃心丹負朕意

龍圖閣直學士中大夫提舉江州太平興國宮除端明殿學士

提舉佑神觀兼侍讀同修國史詔

勅朕率先惟謹學古是勸念中興三聖之規方圖約史而仰考百王之範頻御邇英思我俊髦叶于講繹改昇內祠之祿特輪秘殿之榮表在禁塗成此選志具官某識宏以達學博而明足溫純深醇之辭可以揚無前之偉績得厥低優柔之理每能告多識之嘉謨頃歲庚備殫誠惻愍括於監祝貼亞職於河圖有惕朕懷未究爾用創堯舜相承之典加之神禹之謨且經史不同之言折之皇祖之訓萬世所仰眇躬是資益期二者之交修當究一心而無蘊比之難履上星辰之峻軌若納屬增日月之明與其替筆效朝夕之思寧加執簡鋪聖神之美優祥源之琳館與宿直於玉堂超職西廂升華北殿懋

酒講明之道宏子筆削之功往服殊休嗣班異渥

朝奉大夫權知婺州除華文閣待制兼侍講兼秘書監詔

勅秘書以省名崇儒也其長日監昔所咨焉今以寵爾往敬朕命是為冊府有貳有丞有郎著作之庭校讎之部麟鳳集奎璧爛悉爾之屬固爾業履悉使聽順朕緊爾嘉然監之列下漢卿一等華文有閣祖訓是嚴命所論思四松有典問暇之頃從容乎經帷帝帳之內上發勛華之道周孔之思而斟酌乎祖道藏焉息焉遊焉出乎四部七略厥掌不凡足為儒者之光爾來自名郡政務裕矣則必肅而通通而不紊朕實期爾勉之哉

左千牛衛大將軍婺州觀察使親衛大夫主管江州太平興國宮授監門衛大將軍湖州觀察使樞密副都承旨知閤門事王

管皇城司詔

勅我朝設官名實相叶西樞之傳命朱閣之相儀與夫重門擊柝之重實為密近朕不輕畀今交命爾爾其勉哉有掌其典宜其創去常

聖集卷一

八

肅正康庫之任而升環尹之華以重爾選傳命則肅且給相儀則無味協萬維之嚴又屹其九天之上八屯無諱則所以明陟者斯不溢矣繁勅之列視文臣之論思階政未去則瞠若也茲焉真昇厥禮匪輕往思爾職毋替朕命

樞密部尚書落樞字詔

勅朕恪維祖武肅厲官修重名器而為之方明差次以漸其進維元祐制六官之長不為一等之文若西都守京兆之卿未即真居之秩俟其積聞被以寵光具官某學博以才通器周而用利盤根錯節曾何頓刃之難大呂黃鐘每見聞聲之肆歷更中外深著勤勞頃試天官實持銓柄心如止水物無遁形朝夕論思莫匪忠嘉之道羽翼禁從直為傳特之委用進律以仍居蓋因能而事在升華而冠華秉公以蒞權衡首漢廷九列之嚴表周家六典之重期殫獻納益罄謀

詔

卷一百一十五 七

誠諭守令勸學詔

勅門下朕永惟事統祈進民心迪烈祖之宏模蒞橋門而首善師禮格修於先聖俾知崇儒重道之方古文爰發於上庠以暢尊經務學之化矧是一時之異渥又惟創見於前聞豈徒聲音笑貌之爲蓋急漸摩兩養之倡至於出日罔不承風載惟國家積累之基每切郡縣布宣之意備範必資於名俊學宮徧逮於遐陬雖其百里之微亦罔一毫之間尙慮未明於深旨儻焉有忽於彝章或室宇庫陋而無更造之心或生徒寂寥而蔑詳延之禮粒歌俎豆漫隨沒於草萊期會簿書第殫勞於鹽米吏苟若此朕何望焉繼自今毋貳爾心勿替厥德以教養表率爲大務以因循苟簡爲深尤勉思風厲之方我有褒嘉之典其或罔悛前失曲護昨非青衿儻轉而上聞丹筆難從於末減邦刑無赦收悔何追更賴持節觀風之臣密議固愚方命之輩故茲詔示想宜知悉

誠諭監司守令務息盜賊詔

勅門下朕聞民生有性稟之於天未嘗不善然盜賊之興時乃問見何哉蓋衣食之迫切饑寒之交至恆心豈能終存拊安田里非監司太守與夫縣令之職乎一同千里十連之眾苟吾有以全安之則潢池之盜誰其忍之哉朕殫竭此心每願膏澤之而九重之遠何啻萬里捍焉其難狹也輕爾縣賦薄爾征取去其盜竊息其訟爭一事有底而民之被夫德者深矣從此有陟厲此有罰朕必行之爾其毋忽各宜爾力勿廢朕言故茲詔示想宜知悉

求遺書詔

勅門下朕右文稽古執道御今惟造字畫卦以來實繁載籍至開元集賢之目有光前人惜其冠錫之踵生乃爾焚歆之殆盡惟我宋聖神之繼作每隨時練冊之肆求洎文風日盛於八益蓋書府最增於四部直中興既從而復古在仲人盡務於搜遺若孔壁奇文之藏或汲冢紀年之秘格之常典斯謂異聞至於九鼎之形模殆亦六經之鼓吹庶亦補於稽監時亦備於討論罔問幽微悉思包括四海博雅

之士六幕淹該之人毋惟私藏副我誠意其爲賞募則具科條故茲詔諭想宜知悉

戒令文臣侍從以上武臣管軍都統制各舉將才不問親屬詔勅門下朕嘗聞惟爾何知韓信之賢惟鄧禹識寇恂之彥凡茲兩漢之興實出二臣之力惟謝安石不遺於近戚惟范仲淹一洗於罪夷蔚爲在昔之良規抑亦當今之善監蓋可用者要爲難得而灼知者必務兼收朕念無平不陂之艱務思豫防之實願士卒既從於和叶然統臨尤藉於衆雄惟賢知賢以類求類凡我甘泉之法從及夫鵬升之魁才其殫乃心毋負朕志昔臯謨每歎其難事而宜尼嘗勉於爾知必陳選擇之方用作蒐求之據或善御眾而多多益辦或足智術而凜凜莫干得人心則如冬日之溫能出令則若秋霜之肅下至率旗之勇悉歸舉目之綱雖武皇泛駕之云包含亦至抑祁老舉親之善疑隙何生庶終得於真才用肆開於賢路故茲明諭想宜知悉

戒令監司守令條具州縣民間利病詔

勅門下朕以眇躬託於士民之上眷惟萬緒極彼閭閻之問不見是國無違弗屈思欲輕徭薄賦息訟省刑民俗知向而俊又多畧吏道永清而廉隅振舉文武有並用之術上下無不通之情旁逮百爲悉歸至當庶庶三登之樂大開億世之基願端居九重之深蓋周知四海之廣爲究庶邦之正以參一道之中凡爾賜履持節之臣泊於剖竹專城之守耳目所熟接念慮之素經或拘於成法而未適其變通或隔於隱卹而莫爲之道達凡保眾安邦之術泊立經陳紀之方罔問細微悉歸搜討朕將闡大公之路開眾正之門先民有言詢于芻蕘况秉六條之詔皇極之稽謀及士庶矧膺千里之權其殫乃心以輔台志故茲詔示想宜知悉

誠諭中外之臣毋私薦舉詔

勅門下朕惟九州四海之廣庶員列職之繁凡升沈進退之攸分必能否賢愚之皆當極彼萬緒疾予一心在昔前王獨縣府署顧未流

不勝其弊至國朝遂析其權天官特守法之司命秩視薦員之數若
乃升名通籍脫選侍郎必先部使者之鶚書以及羣太守之剡奏至
京師具僚之外亦長官歲舉之稽行之有年通乃不倦矧若中人之
嗜利至於私謁之成風嘗聞積勞特假數路彼李唐進士之試有蒼
姬里選之風維多覓舉之姦爰期餽名之制施之既久咸謂至平然
事揚非比於言揚人弊豈關於法弊恆予中慮寓此明綸凡汝輔弼
侍從之臣靡朕心膂耳目之選莫匪探誠而深倚豈應小節之未公
安世不謝之心祁老舉仇之事極於中外一以準繩至於視察從違
修明倡率愈謹正邦之辨兼持賞罰之方朕必勉爲收歟後悔故茲
詔示想宜知悉

卷二 續金華叢書 宋唐士恥撰

震巖集卷二

表

瑞慶節賀表

衍十二葉之休慶乾坤而震育永億萬年之命壽箕翼以天長時協
令辰歡均率土恭惟皇帝陛下祥鍾九祐德冠百王接堯舜禹之傳
更成湯之親受兼天地人之大寶鉅聖之間生茂對昌期仍躋極治
五百里夷五百里蔡將壹歸仁壽之區八千歲春八千歲秋殆莫比
靈長之曆臣叨分符寄莫與嵩呼想麗日卿雲若仁祖稱觴之旦惟
泰山神鼎隨廣成修己之年

賀冬至表

新甲子之歷載兆陽和占斗牛之躔既更日度無窮福履四溢宸區
恭惟皇帝陛下育物對時與天合德神惟不測自然一氣之循周心
本好生尤重初父之來復土圭景測玉琯灰通登靈臺以書莫匪太

平之象吹黃鍾之律灼知有道之朝臣一障叨乘三呼莫與分化國

之照漸增晉書之明受圖丘之釐益近乾亨之長

賀梟斬吳曦表

某月某日伏觀進奏院云云者聖神廣運大振當天妖惡伏辜曾不
累月同文胥慶奕廟增嚴恭惟皇帝陛下德合九乾統承千歲如川
方至十二葉之靈長猶日正中億萬年之珍貢宜茲叛漢亟焉剪除
不煩兵甲之陳大致旃裘之震臣欣聞獻莫尼慶聯夜瞻井絡之
區頓明乾度朝誦維罕之令一正坤維

代眞里富貢方物表

葵心北戶久懷航海之誠象譯南琛初上職方之奏畢輪誠於螻蟻
實慕義於衣冠臣中謝竊以興國悅勸泥之朝嘉其始至祥符偉注
輦之貢歎彼未來豈期從古之戴盆忽玷當今之同軌伏念臣每以
滄溟之中阻姑爲吉慶之附庸下極焚煌莫記星霜之變斷根膏馥
第形賈舶之編既弗登夏王山海之經亦莫與汲冢會同之解且西

鄰驛國尙効德宗鼓舞之權而南境閭閻婆每續元嘉職貢之敬退念
陋邦之蕞爾獨爲大節之闕然臣是敢遙起三呼共馳一介隨貫月
乘槎之侶占迎秋從律之風效牽式啟於旄頭任士仰干於祿幣其
德天合其明日合宜東西南朔之悉歸大秦寶多大宛馬多禮樂
詩書之甚盛祈殿古人之委賜與榮玉版之詩書形容駭師古之圖
道里續賈耽之志恭惟皇帝陛下離明繼照乾健統天中國有至仁
自然篤近而舉遠小邦懷其德豈徒厚往而薄來乃至微臣亦知大
義法乎三聖矧更出於親傳令彼四方自式歌於來享某空懷辰共
莫與躬朝嗣屬國之封章自今以始聳陪臣之復命其教可知

貢土物表

正會休期敢後萬方之集交闕式貢庸昭八熟之祥遙瞻紫宸仰干
祿幣恭惟皇帝陛下接千歲之統閱四海之圖酌祖丕承壹用元豐
之名籍深仁薄取既殊大禹之組纆其益無方時偕行不費異物民
乃足臣叨符江國效禮職方川浴車盈賴叶氣致干之應銖積寸累

見小人向上之心

聖神御極三周再閱之年政治更端四揭一元之號祥風所布化日
以新竊以漢文未表於歲時猶改後元之號武帝欲明於正朔遂標
登封之年皆通變以隨時宜更張而盡飭矧慶元慕文暨之盛而嘉
泰著代邸之隆泊乎開禧揭若日月屬茲解紱之旦新平紀曆之名
誕布絲綸徧翔寓縣采詩書之遺訓慕殷周之盛王將見麟之德鳳
之輝百嘉順集有如川之增山之壽一德尊臨名與實俱人因天定
恭維皇帝陛下明明在上赫赫當陽四三王之仁茂中興七紀之業
五泰元之笑近升平再登之年茲革故而鼎新蓋泰來而否往書標
嗣歲爰冠美名臣圭璧切分風雷諫聽斗標初指覺星宿之倍明日
御欽承泊子男而如一

代守臣賀改元嘉定表

聖神御極三周再閱之年政治更端四揭一元之號祥風所布化日
以新竊以漢文未表於歲時猶改後元之號武帝欲明於正朔遂標
登封之年皆通變以隨時宜更張而盡飭矧慶元慕文暨之盛而嘉
泰著代邸之隆泊乎開禧揭若日月屬茲解紱之旦新平紀曆之名
誕布絲綸徧翔寓縣采詩書之遺訓慕殷周之盛王將見麟之德鳳
之輝百嘉順集有如川之增山之壽一德尊臨名與實俱人因天定
恭維皇帝陛下明明在上赫赫當陽四三王之仁茂中興七紀之業
五泰元之笑近升平再登之年茲革故而鼎新蓋泰來而否往書標
嗣歲爰冠美名臣圭璧切分風雷諫聽斗標初指覺星宿之倍明日
御欽承泊子男而如一

代安定郡王以下賀宗學落成表

敦被宗枝創建親師之宇事勤工正迄新邇業之宮九廟增嚴八方

仰德竊以小侯立學僅成威範之良資二館育材未淑橫流之遠派
歷選前王之故莫如我后之朝繫人有生受天一理然教化乃聖所
任而仁義非學不充凡自后襲教胄子之餘以及司樂掌成均之後
莫急受親之義孰知崇理之方故聞平為豪傑之才而漢唐多宗室
之過今茲肇立直為創闢茲蓋伏遇皇帝陛下道際三王仁先九族
雖大禹卑宮之儉每切謙謙然周家以宗之強獨惟汲汲設願養為
家人之要知菁莪乃麟趾之基謂金枝玉葉追琢之是先而鳥革羣
飛鳩傷之當急茲訓百孫之屬俾知六籍之依齊家乃治國之先灼
知原委修道實正心之要首及本支臣等忝居託附之親實被生成
之澤迪師友相先之效期盡為君子之歸全天地不及之功將廣沐
聖人之化

代婺州守臣進甘露圖表

臣某言盛德昭天允格飛甘之露泰和薄海適臨須女之區敢因繪
事之成用贊史臣之紀竊以唐官品瑞蓋齊等於卿雲漢世標年亦

聖嚴集卷二

主
易
通
義

聯華於威鳳足以表升平之協應故每為前牒之特書維吾皇臨御
以來多至治休嘉之獲不祇祖廟嘗瞻三秀之芝切近日畿且見屢
成之重雖為叶氣未極傳聞向由動植之微蓋顯覆臨之威獨此至
味敵醴泉之美晶華占夏晝之長被草木以生輝駭觀瞻之創見敢
藉丹青之毫末用擬萬一之形容庶關斧展之嚴小信前旒之啟恭
維皇帝陛下紀元四號授策六運湛恩洋溢於八隅深仁厚澤洪覆
歡歆於一德異瑞殊祥宜其有道之符著在無虞之世臣適當假守
親觀自天書玉版之端喜姓名之亦預信嘉圖之上與上下以同流

代守臣謝宣賜嘉定十年統天具注曆表

嘉靖殷邦十見星霜之易承宣漢郡一蒙正朔之加班春格奉於王
春授日必從於卿日竊以格書協紀一被周疆舜歷在躬四放而述
維是當天之統必歸乃聖之君矧我一主之興將及二星之數念往
時之更化既四閱以標年雖巧曆莫窮始如川之方至而象魏成規
又見月之始和太史之謹攸司靈臺之占厥氣奉天弗後應序罔差

繩繩氣期之兩全并井歲年之各得旁協九農之務不聞毫髮之訛
下厚庶民之生舉無動作之忒乃肆班於郡國以式順於陰陽雖在
遐陬亦霽隆施茲蓋伏遇皇帝陛下對時育物以道御民欲設施不
背於參舒故命官而推步欲惠澤咸周於遐邇故作曆以班宜致茲
王政之占天亦俾侯邦之得序密清臺之課日月合璧星如蓮珠分
方圓之書朔南暨教東漸於海臣敢不恪遵成度廣訓黎民使作訛
成易之方靡有失時之事俾忠厚鴻龐之賜舉霽成物之恩

代翰林學士謝賜唐五臣注文選表

崇直九天方負非才之愧善文宗傳通叨榮賜之恩示其斧藻之淵
源兼以蠶魚之訓詰竊以漢嘉王景之續賜以禹貢之圖唐莊大亮
之言班之荀悅之紀皆因人而示教使勉學以加思矧蕭梁帝子之
英極楚些詞源之遠高覽盡窺於前作殘膏遺丐於後來開元之士
五人李善之注一變儒日雕龍之客爭先文豹之班臣筆札尋常言
辭魯鈍誤獲寶宸之眷俾從玉禁之游絕無黃絹之好辭少稱白麻

聖嚴集卷二

四
易
通
義

之明命自顧才疎於八斗焉能筆掃於千人惟茲僥製以俾編加以
明言而眾見俯於愚分簡在皇心恭惟皇帝陛下時御六龍曲成萬
物念內制尤多於備裁獨斯文稍具於條疏示以規模迪之種積臣
敢不悉心勉勵仰德高深若杜陵訓子之詩務加精熟誦曲禮拜君
之賜敢後服乘

代中書舍人謝賜金帶表

臣某言伏蒙聖恩賜臣金帶者綸旨庸虛方負非才之愧身章榮爛
遡蒙超等之恩深慙小己之私不稱匪頒之重臣中謝臣竊嘗觀國
家御下之法識器服藏禮之端丕著多儀各為一等惟是致身紅藥
之省接武紫荷之聯雖既與漢廷九列之崇然夫兼唐官三品之飾
必有非常之瞻乃庸特異之頒歷請前聞備請故實長春醴養僅傳
開寶之年大筆簡知聞見祥符之歲斯謂潤希之典以待英傑之流
如臣志乏精堅質非渾厚居而強學鑄莫遂於顏淵出以事君礪深
慈於傳說謚陪閭彥誤入化鍾鳳沼判花寧有同心之斷彤庭書命

終無擲地之聲忽拜誤恩莫安揣分隨班中諫駭改觀於常儀侍省夕郎款均榮於兩掖靖惟么腐盡此叨踰茲蓋伏遇皇帝陛下龍德正中鴻慈博博屋觀周道獨先取幸之恩度越漢皇相見解衣之惠每異儒冠之顧諟深恩分之憐傑開華新首既述寶元之榜垂魚僅錫今更踰李絳之榮臣敢不鑄骨銘恩誓紳圓報服而拜賜知眷逮之殊常束以立朝誓身捐而不顧

代提舉實錄院進修孝宗皇帝實錄表

臣某等言業紹中興丕赫三登之化道光載嗣率編九閔之年鋪張信史之成密勿嚴宸之觀竊以本誓嚴於大漢蓋祖春秋之規實錄顯於有唐每先紀傳之作矧上聖重華之盛屬神孫述事之明榮然累牘以成編爛若有光於窺昔恭惟孝宗皇帝心傳堯道治廣文聲勵精臨照之初抗意恢張之表法度彰禮樂著初無革故之勞天地觀日月明自有鼎新之效蒐羅俊父不拘於常法修舉刑政振起其大綱仁以撫民而勤恤於至微義以整兵而必期於可用罷臺之儉

五

五

五

無乎不服太阿之柄久而益神凡金匱石室之秘藏迨壁簡科文之未見屬重明之出治監成憲以欽承旁招副墨之英共探汗青之粹根本著廷之作網羅私室之遺旁該百度之變通下逮諸臣之屢效月繫時繫以年繫慶曆數之無窮大書特書不一書款形容之莫盡用者不刊之典永貽罔極之傳茲虔下以丁辰庸上關於乙覽文從椒掖陋漢注之無端禮備寶藏與舜華而密映交輝九廟森護萬靈恭惟皇帝陛下離照當天乾剛御極綠車慶侍首已造於精微丹史備書今率加於潤色致茲鉅典榮在明時益文治於聯編有繼東都之盛仰揚孫於奕世愈揭前烈之光臣等獲際昌期幸覩丕範於萬年而繩武深彰紹述之勤作一藝以冀經豈有編摩之力

代右丞相謝賜御書說命中篇表

洲表遠覽期取監於商書帝孫特頒俾勉希於前哲俯憐愚分莫裨龍光竊以世祖之頒細書徒風行於勤約文皇之賜飛白僅意屬於股肱未有採往行於前經示聖心於俯貢事光靈肯道覺後知仰惟

商室之繼與無若高宗之最盛誠通天地發於精祲之交際際乾坤者在便蕃之命矧是中篇之告后尤為異代之良規惟聰明必在於憲天惟治亂每生於庶士謹謹罔容於有善豫防當戒於不虞蓋巨賢上智之明諷亦平世持盈之要論維此忠嘉之所屬當由俊傑以能然如臣叨任棟隆包羞鼎養雖累年更歷粗知保治之甚難而一意贊襄每冀竭誠之有補曾謂寶賚之擢俾知前哲之修茲蓋伏遇皇帝陛下離照當天乾剛御極法宮親事會無自聖之心肆筆成書大闢不言之教發碩輔進王之簡開小臣趨善之門臣敢不厲志奉承伏膺啟沃光生蔭駭奪目於驪珠思濟巨川願悉心於龜鑒

代童子謝秘書省讀書表

臣某言伏蒙聖慈令臣秘書省讀書者穉年觀國慙非早慧之才明粹疏恩俾誦秘藏之簡欲其有造開以多聞臣某仰咸平邵煥之恩洎景德晏殊之擇端我浸昌之旦讀乎未見之書如臣者不善養蒙焉能求益寧有百藥誦鄙子之博初無甘羅悟不韋之奇曾謂誤恩

六

六

六

俾從藏室遠發中經之奧近親肆筆之成青裾朝拜於木公朱銅夕榮於黎照連珍羣玉接采九鸞恩重孔門將終保互鄉之往事如東觀蓋上追黃香之游超凌尾弱水之蜚俊握過舞雩之詠茲蓋伏遇皇帝陛下與參化育樂長人材念愚衷蚤慕於簡編故遠慮欲培其芽藥致茲瑣薄獲此叨踰臣敢不周覽瑰奇旁蒐隱奧醴難陋見殆未免金根之譏管豹竊窺烏能及朋字之正

露布

擬河北宣撫使平貝州露布

臣彥博等言四海無波共樂漸仁之化一夫不軌空懷負固之心雖三軍之律至勤貳政之臣然六旬之叛不出孤城之守迄絕繼毫之援適彰宗社之靈蓋羣黎爭父母之歸寧小醜遂豕蛇之食用正鯨鯢之戮莫逃斧鉞之誅國家大業無疆重明四葉書同文車同軌恩被匝兩露之滋仁也柔義也剛政理若日星之照曾何狂卒敢啟亂心本饑年流落之餘旁緣戎旅倚世俗妖說之謬誑誘羣愚下胥兩

協其偽謀本計旁連於鄰地斷存梁而擅河朔由正且以肅狐狸惟
天網之難逃乃賊徒之自露會皇無策狼狽圖全劫庫兵而囚守臣
偕王就而易正朔致茲叛漢達於聽聞陛下奮發乾剛昭明師律環
鼓旗而肆擊屬樓櫓之素堅既棄拒闕乃見焚於乘火或為內應復
中阻於專攻尙稽膾櫓之誅用急焦勞之顧謂最焉小壘曾閱月之
未夷而密彼邊疆可頓兵而不戰臣忠懷裴度憤切有苗願膺事關
之權俾効捐軀之分皇皇列聖蔚為啟乘之光烈烈中權得遂從宜
之便謀攻九地誤敵多方散伏西門俾隻輪而不反擣虛南壘信妙
算之無遺既致戮於守陣亦固圍而拒戰衛社忽興於蛇果倒戈乃
出於火牛尙逃遁以求生徵係梟而就死檻車致命正天街九市之
誅鶴唳聞風震積憤八荒之族一寧邊微四赫皇靈迄無繼粟之虞
益固迂衡之業斯皆皇帝陛下深仁無敵至健自強在齊民疾痛之
微悉開淵慮當邊塞喉衿之要敢援天誅役不淹時戮惟元醜占勝
祥於析木星宿倍明息在革以囊弓種莠自聳臣等無任慶快歡切
謹錄集卷二

七步 送 慶

之至謹遣某官奉露布以聞

擬權照河經略禽蕃人首領露布

尙書兵部臣某言屢戍邊微既成怒臂之無知小效天戈竟破狡謀
之三窟蓋達理者神人之共憤而背道者明聖之不容旁驚邊塞之
心上釋裕陵之怒國家當天七葉享祚百年蓋子視於多方亦海濱
於萬寓朔南暨平聲教初無遐邇之分仁義極其漸靡敢緩凶殘之
取蓋茲小醜恃彼屏心跳梁躡蹠者久之於邑患忿者眾矣語其最
巨斯謂巨谷陷我一城仆其魁武寡賞嘗聞於先世圖惟敢放於陰
謀輒連平夏之師竟指臨洮之域版築大興於力役干戈擬遂於雄
心謂合謀并勢以俱來庶封豕長蛇之薦食然洲謀廟算之所出知
接手就縛之無疑一介朝馳丁了目中之敵三單夕起明明外之
權左右手知兩將之和赤日旆皆萬人勇一鼓有同於拉朽四奔
盡殲於臨洮僞如真似於游魂孟獲竟從於生獻盡破他酋之膽合
騰北關之章冷風極青海之遙赫日破鬼區之暗且始謀之不洽意

弁舉之難當揣其私心料彼愚見謂寡固不可敵眾詭計之萬全
然天定亦能勝人奈雄圖之自濟出其不創成此非常斯皆兩宮探
仁上格於皇天得道每形於多助不從中制惟責成功先人奪心賴
合謀之竟售以少勝眾喜四塞之盡情下叶傳功詎迷大戮

擬判南路宣撫使平僭智高露布

臣青等言女側陸梁卒致漢師之討盧循猖獗難逃晉室之誅蓋爾
蠻蠻毒茲南紀中央集旌旆數十乘之元戎烈烈牙璋界萬里之突騎
亟清嶺表誕布王靈國家子視民編天臨裔服朔南暨平聲教初無
遐邇之分仁義極其漸靡敢緩凶殘之取矧在靈旗之指會何前敵
之留王則負固於一城旋歸受首元旻藉資於果世卒亦來臣茲焉
蜂蠆之失防赫若鷹揚而奮擊醜爾智高之虜桀焉交趾之藩偶稍
輿輓之烹飪肆煙燄之怒象琛祇貢期借助於中華狼子野心竟不
逃於明見竊據山澤招納逋逃陰合短賊之姦欲肆長蛇之食誦其
罪以焚巢之酷給吾邊以告羅之虛忽竟下於鬱江乃亟收於邑管

八步 送 慶

擬張皇於虐倭亦僭擬於尊稱正朔建其偽名官號比之上國偏屬

升平之人少忘豫備之修連破堅城痛吾民之塗炭進圍廣府期彼
志之滔天賴金湯有不拔之堅然雷電之無前之掃借忠勇於非命
敗修望而退兵擁子女以譴歸繼次炎而肆暴赫乾剛之奮發奉師
律以虔劉六羣風生先斬同功之將三軍股栗盡輸赴敵之心將奪
險以疾趨反戒糧而示緩果昧必爭之地斗臨不測之兵魄喪魂驚
遂倉皇而送死旗常鼓接猶跳躑以求生麾精騎以互馳東飛矛而
莫逞威如破竹肅清間風旣夜遁於渠魁逐朝清於截海釋囚復業
頓還百縣之農桑折賊數功爰及萬人之京觀交震雕題之俗增明
星紀之疆斯皆皇帝陛下默秉廟謨獨操膚斷念何辜於黔首乃墮
兵鋒運無敵之神機亟情妖孽勝惟一鼓風不三單屹銅柱於南垂
永作地維之鎮發葵心於北戶愈虔日禱之瞻

擬川峽招安捉賊平王均露布

尙書兵部臣有終等言小校何知遠受羣愚之迫神威所蒞定無天

討之稍矧維羸肱決射之徒乃有背土忘恩之事是之可忍毋乃太荒國家並用剛柔初無吐茹仁義四漸於六幕賞刑迭出於萬幾況茲効命以衽金要在秉忠而知禮凡服餉發囊之末怕炙漿飢勞之微何足動心乃敢倡亂繼馬轡以售姦計戮主將而成凶謀奔惶符節之臣創易歲年之號竟屠漢墨亟走劍門賴天險之難圖阻兵端之將逞屬上聞於事緒爰申命於鼓旗清壇有助順之師一戰幾顯庸之錄卽蜀莫窺於城壁嘉眉大合於干戈叢然假息於頃時昧若迷魂於萬死開門僞遁希小剉於銳鋒綠埃竟全姑略從於養力離其脅誘靜此氛塵連收再勝之功府達九重之奏敷道爭肅於矢石屏然猶事於宴歌炎火一施敵樓隨盡示之生理庶此全功雖慙夫懷禍之心奈狡者繫首邱之念竟焚召符莫效降幡甚雨淋漓顧未遂先登之勇壯夫感慨竟誰為難犯之鋒共知瞬息之危猶冀遲延之福力焉巷戰樂矣烏聲一夜沈沈覺粉筆之頓肅蜀江渺渺知倉卒之弗航竟從醉飽之餘藏作梟獍之伏斯皆皇帝陛下聖神廣

靈巖集卷二

九步 題 廣

御文武兼施萬里風偷竟不逃於明見三單擊終無敵於奇兵迄平井絡之區益茂蘿圖之業

擬熙河經略使復洮河露布

尙書兵部臣某言斷匈奴之臂漢家綽有淵謀守四鎮之城唐帝亦推上策所以殺羌戎之勢使之無侵軼之虞蓋兵家萬全之圖關人主九重之畫國家深仁同視大業無疆英明特起於一時憤爾蠻之未斥經緯乃從而四略期遵用於已施念絕交離黨之奇實保大定功之要雖中國四夷之勢振古則然矧其人同軌之模於今或未伊焉羌類比比夏疆前世兼以金縢成勳未大茲地倘能臣妾醜域自平爰命小臣俾據成算不壹戰以使之自擾拊太酋以冀其悉來封疆日闢於召公謀應勢均於充國遠幾成於事緒俄小敵於偏裨救敗之師不可當職焉既力出疆之任無所制罪也敢逃兵威大振於鬼區職貢訖惟於人面裴度終平於淮蔡蓋一定於廟謨段明遂弭於羌戎亦多資於眾力風動遠隔於青海雷轟自儼於靈旗茲蓋皇

帝陛下智勇俱全規摹素定出奇謀於堂上料汪敵於目中推毅明明旗鼓遂從而無敵兵威凜凜心肝爭奉於至尊在臣逃稍緩之誅由下靡遺餘之力

擬兩川招安使平李順露布

尙書兵部臣繼恩等言坤維盜弄何勞蟻風之誅師律中行即遂創痍之復訖莫蠶魚之國既安參井之疆用寬西顧之憂座上北門之捷國家鼎來帝運離照鬼區大一統以同文奄八紘而有截顧維益牧小遠神京然深仁厚澤之漸摩與時俱化適曲見私心之反側動眾以言首謀幸厭於天誅附更思於扇亂適持節不知於撫定致號狐益遂於張皇城壁屢囑官僚踵戮痛吾赤子何忍墮於銛鋒憤爾綠林敢肆行於虐倣皇帝陛下赫然出命昭若選才推轂惟專事靡容於掣肘釋囚兼用罪惟問於吞舟甚味愚心敢爭天險屬旗鼓兩明於將鉞乃聲威大折於妖徒矧東川素備於金湯蓋巨幹豈移於螻蟻棧路何虞於來往王師亦務於驅馳雖凶旅方輿若可游魂

靈巖集卷二

一 步 題 廣

而假息逮天威一鼓悉皆投首以摧肝電掃無前風行孰禦破竹實三單之快刈餘無半瞬之留錦里依然重被吾皇之雨露雞竿肆及盡還昔日之農桑人違縣墨之災罪止渠魁之取雖支黨亦歸於禽獸惟厥心本荷於皇明峨峨還徹底之清星宿有倍常之潤臣叨膺授鉞每誓捐軀曾何三略之知常愧六韜之學幸賴諸軍畢力羣校協心更由神聖之威獲致纖毫之效貪天何敢贖罪既多

靈巖集卷二

檄

擬延州問夏國省州檄

年月朔日延州問夏國省州日蓋聞聖主執賞刑之柄烏有所私文告居甲兵之先盡其在我矧君臣之分素定且是否之理甚明姑少紆靈旗之威庶不貽裔服之禍國家當天五葉享祚百年中國有至仁自然篤近而舉遠小邦懷其德豈徒厚往而薄來唯明主始初之清明在外服奔趨而儼格夫何一介敢犯多儀固當置罪以盡其辭乃爾負義而難於對俾之自反敢此無知虔我邊陲輒形奮臂肩吾詔旨猶觀革心不獨起飾非之辭又妄生歸過之語宜藉衣之輟賜亦正朔之弗班苟有人心當知羞惡豈期狼子反欲鳴張肆長蛇封豕之食犯細柳棘門之戍莫解神人之憤兼興夷夏之師射月夢開奉頭鼠竄尙從舍垢未欲洗癢其叨與左符每思大義擬効枕戈而

靈巖集卷三

續金華叢書

待旦亦期決射以贏肱馬革裹尸深慕古人之勇桑弧垂戶雅知男子之生激烈懦衷蒐羅英略畢起報仇之眾共揚問罪之兵然慮傷天地并容之仁姑少忍風雲叱咤之志一興款語三叩忱辭況旌麾亦在於遠陲勢分蓋形於上下易地而論忘恩者諒苟一星班革之強將再蹈前車之覆當命營平之將難稽蠶郡之刑猶未臻迷復之凶庶可緩成師之出投誠備至洪覆何言

江南西路提點刑獄諭所部檄

年月朔日云云兵革藏於私家夫子謂之非禮刀劍賈而勦稼渤海復爲平民簡牘所明規繩可尙且習俗有時未正則前諭於焉當行敢罄我心少裨爾見維蚩尤之啟兆風城始基若子產之立言五材並用然人主顯之尙爲不可矧庶民藏焉殆未適宜聖有格言戒之在關孝之爲事夷也不爭耕食鑿飲之餘惟知鼓腹仰事俯育之暇合事學文庶全髮膚勿徇血氣且喜慈實爲難制而暴狼發於無端苟其具之素存必此身之易陷大有干於法度小未免於過尤苟念

謹身自應買憤使吾言之不聽當行法以無私然文告之宜先開首科而使免僮翻然知過家無鶴勝之儲則坦若安居人有龜齡之保則此多虞之起自夫七札之藏覆轍在前後車合戒噓騰莫及蚤計當思皇朝開天覆之仁德政循雲行之澤何獨自貽於伊戚要當迷覺於昨非父兄子弟相飭以馴良并里親戚永無於災禍各保賦年之永同躋比屋之封當職蓋奉詔條思防民患不顧言辭之無當力祈仁壽之交修勿自啟於頑庸以卒歸於差辱

陝西轉運使橫山部落檄

年月朔日陝西轉運使諭橫山部落曰蓋聞民惟從德必歸明聖之君夏以變夷乃合春秋之義并期二者形之一言國家起振古之邦則無窮之祚厚澤溢於八表滲漉深仁大度極於九垓包容無外昆蟲至於凱憐草木迷其生全矧在歸誠必敷異渥顧禮義積衣冠之習而賞罰無毫釐之差凡五葉以百年咸四王而六帝赤子舍父母而何往深淵蓋魚鼈之所依此理甚明不言可喻橫山番部本從中

靈巖集卷三

續金華叢書

國偶豐戎疆鼓旗居諸部之先文肩作萬夫之最用之叛換惜此號雄別役服之尙新亦風聲之未遠當爲反旆是乃首邱況諒祚資稟昏狂性情率易淫佚無別殊虧謹重之威肅暗喜譏時有偏私之聽名爾自侈殺戮不辜雖云最爾之邦曷事屏焉之主離心自起明見誰先且巴渝亦助於漢師彭漢嘗從於周后歌舞不替簡冊有光維邊備在我以日修藩落於今而歲至與其展用於鋒鏑曷若歸心於帝王金帛即賜於所延爵祿永膺於明命名姓與史官之紀子孫爲樂土之人舍是不圖又將焉取

熙河蘭會經略使曉諭西蕃邈川首領鄂特凌古檄

年月朔日熙河蘭會經略使告西蕃邈川首領曰蓋聞帝王博愛之仁雖重靈旗之指臣子亂常之罪當嚴齊斧之誅以其素列於外藩姑爾先施於文告宜及幾微之地匪加省察之心國家不冒普天尊臨敷海八方同軌談消烽臥鼓之娛九澤來王極航海梯山之遠維錫祚再周於甲子而致平高軌於五三雖專仁義之修不廢甲兵之

備矧在賞刑之際罔差毫髮之微凡曰剛柔會何吐茹遶川首領夙
殫忠向世長戎邦被純纁帶金犀每厚鴻臚之賜執干戈衛社稷屢
爭靈夏之鋒錫爵有加於汝何負爰自襲承之後忽開猖獗之端侵
軼邊疆結連鄰國將肆殘窮之志莫知覆露之恩昔征嘗欲飛揚卒
成困迫此已然之明鑒乃自蹈於覆車識者爲之寒心義士聞而扼
腕蓋從一鼓俾就七禽維兩宮奕忠厚以四漸均華夷而同視念玉
石俱焚之未免在疾瑕小忍以何傷姑少緩於師徒俾三思於禍咎
儻尙知於改易諒不失於拊存事或起於他心頑莫鑄於惡子當自
明於丹赤毋入混於薰蕕實融致討於隗囂益堅歸漢之志吐蕃助
誅於天竺應無背唐之心宜亟厲於戎昭會大陳於猷猷斃茲叛漢
正汝君臣若乃螳怒自矜狼貪思逞結憾至仁之主甘心累世之誓
兵出萬全命定還營平之將王斯一怒正襄街蠻耶之誅狡穴難逃
噬臍何及

鄜延路都監報威明山檄

靈巖集卷三

王夢

年月朔日鄜延路都監報威明山曰中國首四夷足蓋可岐觀見善
明用心剛乃臻大道既信義交輸於兩地宜死生如在於一舟革故
鼎新泰來否往斷之在我展也有成維去義懷利之誠嘗略聞於孟
子若異域歸志之傳實備見於唐朝幽谷喬木較然其迥殊渾醅重
裘釋爾之可厭徒父子君臣之境服仁義禮樂之風顧不遵厥端可
尙已矧國家闡聖神之教且政化極撫摩之恩奄六幕以無偏殆三
王之莫過若甘雨慶雲之覆露惟和風麗日之披臨於今寢昌振古
弗及決用從違之論一明取捨之端釋此不歸悔將焉及威明山人
推俊傑天稟忠純夙懷向慕之衷蚤敢依投之緒葵傾萬國之表類
拔四夷之中洎從行慷慨之徒悉自蘊勤拳之想書之縑冊而何愧
確乎衣冠之是存信使下馳誠言俯逮盡出由中之請有孚不肖之
心感詠實多敢藏敢後竟力踐大丈夫之舉諒無榮兒女子之情朝
發穹廬夕覩內境金犀蕃錫當立至於斯廷爵祿醴恩亦交來於帝
所永作中華之胃首舊信史之書幣此有生樂焉上國彭濮巴渝之

助猶在下風春秋冬夏之行長瞻赫日某敢不親提師旅深入疆陲
會面有期預喜一斑之覩承顏不日尙遲踰刻之間努力何言竭心
以俟

北路都招討曉諭劉繼元檄

年月朔日北路都招討告劉繼元曰蓋聞德博威制者廣是名王者
之師兵行使其間要亦古人之義維帝烈皇猷之廣被尙書文車
軌之未同忍遽致於大刑用先施於文告蚤同念慮毋俾吝尤國家
極效漸摩紹休開初訖惟人面畢知職貢之修瞻彼河肩乃緩氛埃
之屏還觀玉閭並裂四方有古冀都屬茲劉氏顧周室甲兵之問泊
先朝旗鼓之鋒養晦有年推亡不日載念山川之割據既踰日月之
變更臣子亂常儻非自我天地同量以至於今久矣戴盆每焉藏疾
仰歎實沈之次俯矜恒岳之方尙阻四巡合歸一統矧深仁之及物
寧終怒於小夫式觀江嶺之降王有耀吳關之納土同躋一視卓冠
百王惟是非利害之端在頃刻毫釐之際勢之必至理有固然大明

靈巖集卷三

王夢

當天寧容燭火之不息黑子著面誰謂鴻毛之匪輕亟反首以三思
毋噬臍於七縱社稷血食徒爾自文幕燕巢居會謂固蒂何足爲狡
兔之三窟不當念首孤之一邱隗囂實愧於寶融彭寵何如於耿況
當識君臣之大義勿貽今古之深羞其或愚固怙終執迷忘反僥倖
不可數得禍福況乎甚明雖聖王推惻隱之心奈師旅厲虔劉之志
誠言不再後悔何追

序

禮選序

禮選者諸王府侍講邢昺所上也惟昺通儒碩學究心禮文之事慨
念先王制作其詳不見於世戴聖遺傳粗紀孔門之道學者聚訟尙
應討論之功是用筆削以成一家迺雍熙四年八月晉諸公依凡二
十有一卷聖主嗟焉孫謀貽後見於曝書之日召昺同觀帝藻下飾
爲一世榮美鳳之縑賜曷家訖藏諸家其不朽也已易以卜筮全詩
以諷誦全書百篇蓋存者半然帝王大綱猶可想見惟是禮樂之事